



BOSNA I HERCEGOVINA
FEDERACIJA BOSNE I
HERCEGOVINE
ZENIČKO-DOBOJSKI KANTON
OPĆINSKI SUD U ZENICI

БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ЗЕНИЧКО-ДОБОЈСКИ КАНТОН
ОПШТИНСКИ СУД У ЗЕНИЦИ



Broj 43 0 Su 240581 24 Su 49
Zenica, 14.02.2025. godine

**IZVJEŠTAJ O RADU OPĆINSKOG SUDA U ZENICI
ZA 2024. GODINU**

Zenica, februar 2024. godine

SADRŽAJ

| | |
|---|----|
| I - UNUTRAŠNJA ORGANIZACIJA I KADROVSKA OSPOSOBLJENOST SUDA | 3 |
| I-A UNUTRAŠNJA ORGANIZACIJA I KADROVSKA OSPOSOBLJENOST SUDA (ORGANIZACIJA ODJELJENJA, BROJ SUDIJA PO ODJELJENJIMA, SISTEMATIZACIJA I POPUNJENOST SUDA, ODSUSTVA SUDIJA) | 3 |
| I-B MATERIJALNI STATUS SUDA | 4 |
| II- OSTVARENJE NORME U IZVJEŠTAJNOM PERIODU (ostvarena kolektivna norma suda, ostvarenje norme za svakog sudiju i stručnog saradnika u općinskim sudovima, obrazloženje ostvarenja kolektivne norme manje od 100%, obrazloženje razloga ostvarenja pojedinačne norme sudija i stručnih saradnika koja je manja od 100%) | 5 |
| III – OSTVARENI KVALITET RADA (ukupni broj donijetih odluka u sudu u odnosu na koje se može uložiti pravni lijek, ukupni broj potvrđenih, preinačenih odluka po pravnom lijeku nakon održanog pretresa ili glavne rasprave i ukinutih odluka u sudu, podaci o ostvarenom kvalitetu za svakog sudiju)..... | 7 |
| IV-OSTVARENI REZULTATI U IZVJEŠTAJNOM PERIODU U POGLEDU BROJA RIJEŠENIH I NERIJEŠENIH PREDMETA (broj riješenih predmeta u odnosu na priliv po referatima, povećanje/smanjenje broja neriješenih predmeta) | 8 |
| VI-OSTVARENI REZULTATI U RADU NA PREDMETIMA IZ PLANA RJEŠAVANJA PREDMETA U 2024. GODINI | 12 |
| VII- OBRAZLOŽENJE RAZLOGA NEDOVOLJNOG BROJA PREDMETA U RADU SUDA ILI POJEDINIH SUDIJA | 13 |
| U izvještajnom periodu nije bilo nedovoljnog broja predmeta..... | 13 |
| VIII- TRAJANJE POSTUPKA (PROSJEČNO TRAJANJE POSTUPKA NA SVIM REFERATIMA, REFERATIMA NA KOJIMA SE BILJEŽI PREDUGO TRAJANJE POSTUPKA, OKOLNOSTI KOJE DOVODE DO PRODUŽENJA TRAJANJA POSTUPKA) | 13 |
| IX-PREDMETI RATNIH ZLOČINA | 15 |
| X-OSTVARENI REZULTATI U RADU NA PREDMETIMA KORUPCIJE I ORGANIZOVANOG KRIMINALA (broj riješenih predmeta, priliv i broj neriješenih predmeta korupcije i organizovanog kriminala) | 15 |
| XI-ZASTARE PREDMETA (ukupni broj predmeta u kojim je nastupila zastara u toku izvještajnog perioda, ključni razlozi za nastupanje zastarjelosti, trend u pogledu broja zastara u odnosu na 2023. godinu) | 15 |
| XII-ZAKLJUČNA ZAPAŽANJA O RADU SUDA | 16 |
| XIV-INFORMACIJA O ODRŽANIM SASTANCIMA SA NOTARIMA | 17 |
| XV-PLANIRANE MJERE ZA POBOLJŠANJE RADA U SUDU | 17 |

I - UNUTRAŠNJA ORGANIZACIJA I KADROVSKA OSPOSOBLJENOST SUDA

I-A UNUTRAŠNJA ORGANIZACIJA I KADROVSKA OSPOSOBLJENOST SUDA (ORGANIZACIJA ODJELJENJA, BROJ SUDIJA PO ODJELJENJIMA, SISTEMATIZACIJA I POPUNJENOST SUDA, ODSUSTVA SUDIJA)

Pravilnikom o unutrašnjoj organizaciji Općinskog suda u Zenici broj: 043-0-Su-10-000221 od 25.01.2010. godine, sa svim izmjenama i dopunama, uređena je :

- unutrašnja organizacija Općinskog suda u Zenici i djelokrug rada organizacionih jedinica;
- sistematizacija radnih mjesta sa opisom poslova i radnih zadataka koji se obavljaju u organizacionim jedinicama i na pojedinim radnim mjestima, uslove za obavljanje poslova svakog radnog mjesta, oznaku vrste djelatnosti, grupu i složenost poslova, status zaposlenika, broj izvršilaca na radnim mjestima, status zaposlenika i poziciju radnog mjesta;
- rukovođenje sudom i organizacijskim jedinicama kao i ovlaštenja u rukovođenju i odgovornost za obavljanje poslova;
- kolegij suda;
- ostvarivanje saradnje sa drugim sudovima, tužilaštvima, drugim organima i organizacijama i javnost rada suda;
- programiranje i planiranje rada;
- radni odnosi i disciplinska odgovornost;
- službenici i namještenici sa posebnim ovlaštenjima;
- prijem i status diplomiranih pravnika pripravnika i diplomiranih pravnika-volontera.

Poslovi i zadaci iz nadležnosti Općinskog suda u Zenici obavljaju se u osnovnim organizacionim jedinicama:

1. Kabinet predsjednika suda
2. Sektor sudija i stručnih saradnika
3. Sektor sudske uprave
4. ZK ured

U osnovnoj organizacionoj jedinici Sektor sudske uprave osnovane su sljedeće unutrašnje organizacione jedinice:

5. Odsjek sudske pisarnice i prijemne kancelarije
6. Odsjek za poslove upisa u registar pravnih lica
7. Odsjek za opće i računovodstvene poslove
8. Odsjek sudskih izvršitelja
9. Odsjek sudskih dostavljača
10. Pisarnica za CMS predmete
11. Pisarnica za izvršne spise
12. Grupa asistenata sudija i stručnih saradnika

Radi ostvarivanja funkcije suđenja i odlučivanja o predmetima iz iste pravne oblasti, praćenja i proučavanja društvenih odnosa, pojava i problema sudske prakse u osnovnoj organizacionoj jedinici Sektor sudija i stručnih saradnika Općinskog suda u Zenici osnovano je 8 (osam) sudskih odjeljenja i to:

- 1) Krivično odjeljenje
- 2) Parnično odjeljenje
- 3) Privredno odjeljenje

- 4) Izvršno odjeljenje
- 5) Vanparnično odjeljenje
- 6) Prekršajno odjeljenje
- 7) Odjeljenje za maloljetnike
- 8) Odjeljenje registra za upis pravnih lica

U Općinskom sudu u Zenici je obrazovano privredno odjeljenje koje je mjesno nadležan za područje cijelog kantona. Ista je situacija i u pogledu postupanja u prekršajnim predmetima iz oblasti poreza i carina u kojim predmetima sudsku vlast za Ze-do kanton vrši Općinski sud u Zenici.

Također, poslove upisa u registar pravnih lica za područje cijelog kantona vrši Općinski sud u Zenici u okviru Odjeljenja registra za upis pravnih lica.

Pravilnikom o unutrašnjoj organizaciji i sistematizaciji Općinskog suda u Zenici broj 043-0-Su-10-000221 od 25.01.2010. godine određeno je da poslove i radne zadatke iz nadležnosti Općinskog suda u Zenici trebaju obavljati : predsjednik suda, 28 redovnih sudija, 12 dodatnih sudija, 7 stručnih saradnika, 17 državnih službenika i 116 namještenika raspoređenih u navedenim unutrašnjim organizacionim jedinicama Sektora sudske uprave, te 10 pripravnika-volontera i 5 diplomiranih pravnika sudske pripravnika, a koji su potrebni radi blagovremenog, pravilnog i efikasnog funkcionisanja ovog suda.

Imajući u vidu priliv predmeta, te strateške ciljeve suda, na osnovu relevantnih parametara Visoko sudsko i tužilačko vijeće BiH je, u cilju efikasnog, kvalitetnog rada suda donijelo odluku o povećanju redovnih sudija, broj 04-07-3-365-1/2023 od 18.01.2023. godine tako da se odobrava povećanje broja redovnih sudija sa sadašnjih 29 za još 7 redovnih sudijskih pozicija, dakle u konačnom u Općinskom sudu u Zenici sudijsku funkciju trebaju obnašati 36 redovnih sudija uključujući i predsjednika suda, dok je u odnosu na broj dodatnih sudija (12) i broj stručnih saradnika (7) broj ostao nepromijenjen.

I pored kontinuiranog predlaganja osiguranja budžetskih sredstava za rad redovnih sudija, a zbog efikasnijeg rada i osiguranja prava građana na suđenje u razumnom roku, Općinskom sudu u Zenici u izvještajnom periodu nije bila omogućena puna sistematizacija nosilaca pravosudnih funkcija ali ni administrativnog osoblja u skladu sa predmetnim pravilnikom o unutrašnjoj organizaciji. Ovakva situacija nedovoljnih ljudskih resursa se bilježi i prethodnih godina u kontinuitetu kako zbog neobezbjeđenih budžetskih sredstava tako i zbog prestanka obnašanja sudijske funkcije sudija i stručnih saradnika, tako što je u toku izvještajnog perioda prestalo obnašati sudijsku funkciju (zbog imenovanja na druge pozicije i odlaska u penziju) 5 sudija i 3 stručna saradnika. Također, smanjen je i broj namještenika tako da je u izvještajnom periodu, pored nedovoljnog broja kadrovske popunjenosti u skladu sa važećom sistematizacijom radnih mjesta, sud radio sa još 20 namještenika manje. I pored nedostatnog broja uposleika, sud je efektivnom organizacijom posla i ulaganjem maksimalnih napora svih uposlenika obavljao sve poslove blagovremeno i kvalitetno.

Međutim zbog povećanog priliva predmeta i obaveze Suda da postupa u razumnom roku, potrebno je obezbjeđiti budžetska sredstva u odnosu na broj uposlenika shodno važećoj sistematizaciji, a sve u cilju osiguranja suđenja i postupanja suda u razumom roku, uz visok stepen kvalitete rada.

I-B MATERIJALNI STATUS SUDA

Budžetom Općinskog suda u Zenici odobrena su sredstva u iznosu od 8.927.065,00 KM za 2024. godini, od toga za plaće i naknade troškova zaposlenih ukupan novčani iznos od 5.883.661,00 KM, dok je ostatak odobren za doprinose poslodavca, izdatke za materijal i usluge (za putne troškove, energiju, komunalne usluge, za nabavku materijala, usluge prevoza i goriva, tekuće održavanje, izdaci osiguranja, bankarskih i usluga platnog prometa, za ugovorene i druge posebne usluge i sl.).

U izvještajnom periodu Općinski sud je raspolagao budžetskim sredstvima za opremu u iznosu od 446.000,00 KM, a za rekonstrukciju i investiciono održavanje u iznosu od 1.000.000,00 KM.

Rebalansom Budžeta ZDK- a („Službene novine ZDK“, broj: 12/24) od 03.07.2024. godine na Općinskom sudu u Zenici vršena je izmjena sredstva na iznos od 8.460.225,00 KM za 2024. godinu, od toga na plaćama

i naknadama troškova zaposlenih novčani iznos od 5.467.201,00 KM, dok se ostatak odnosio na doprinose poslodavca, izdatke za materijal i usluge (za putne troškove, energiju, komunalne usluge, za nabavku materijala, usluge prevoza i goriva, tekuće održavanje, izdaci osiguranja, bankarskih i usluga platnog prometa, za ugovorene usluge, na opremu na iznos od 446.000,00 KM i rekonstrukciju i investiciono održavanje na iznos od 1.000.000,00 KM. Rebalansom Budžeta ZDK-a, broj: 02-11-19869/24 od 02.12.2024. godine na Općinskom sudu u Zenici vršena je izmjena sredstava na iznos od 8.528.065,00 KM za 2024. godinu, od toga na plaćama i naknadama troškova zaposlenih novčani iznos od 5.518.661,00 KM, dok se ostatak odnosio na doprinose poslodavca, izdatke za materijal i usluge (za putne troškove, energiju, komunalne usluge, za nabavku materijala, usluge previza i goriva, tekuće održavanje, izdaci osiguranja, bankarskih usluga platnog prometa, za ugovorene usluge, na opremu na iznos od 1.000.000,00 KM.

Općinski sud u Zenici se u izvještajnom periodu racionalno odnosio prema odobrenim budžetskim sredstvima i namjenski trošio predmetna sredstva iz budžeta suda. I dalje su na snazi interne mjere štednje koje su bile na snazi u izvještajnom periodu, a sve s ciljem uspješnog funkcionisanja Općinskog suda u Zenici sa odobrenim budžetskim sredstvima.

Također, u okviru svoje nadležnosti, Općinski sud u Zenici je u 2024. godine značajno doprinio budžetu Zeničko-dobojskog kantona u vidu naplaćene sudske takse u visini od **1.623.185,40 KM**.

II- OSTVARENJE NORME U IZVJEŠTAJNOM PERIODU

U izvještajnom periodu Općinski sud u Zenici bilježi izvanredan rezultat kada je u pitanju procenat ostvarene norme na godišnjem nivou, kako na nivou suda tako i na pojedinačnom planu sudija i stručnih saradnika ovog Suda.

Ostvarena kolektivna norma suda za 2024. godinu iznosi **158,34 %** umjesto 100 % koji je sud obavezan ostvariti.

U izvještajnom periodu prosječnu godišnju normu veću od 100 % ostvarili su sve sudije i stručni saradnici koji su u toku izvještajnog perioda započeli sa obnašanjem funkcije ostvarili su potrebnu orijentacionu normu u skladu sa Pravilnikom o orijentacionim mjerilima za rad sudija i stručnih saradnika u sudovima u Bosni i Hercegovini.

Obračun prosječne godišnje norme predsjednika sudskih odjeljenja izvršen je u skladu sa Pravilnikom o orijentacionim mjerilima za rad sudija i stručnih saradnika u sudovima u Bosni i Hercegovini („Službeni glasnik BiH“, broj: 5/24).

**TABELARNI PRIKAZ OSTVARENE ORIJENTACIONE NORME NOSIOCA PRAVOSUDNE FUNKCIJE
OPĆINSKOG SUDA U ZENICI¹**

| RB | Nosilac pravosudne funkcije | Ostvarena orijentacijska norma |
|-----------|------------------------------------|---------------------------------------|
| 1 | Alma Spahić | 203,30% |
| 2 | Admir Saletović | 120,90% |
| 3 | Adnan Herceg | 93,97% |
| 4 | Aida Cerić-Zećo | 106,10% |
| 5 | Aida Smajiš | 99,78% |
| 6 | Alija Sinanović | 134,62% |
| 7 | Alma Bijedić | 112,89% |
| 8 | Amela Sinanović | 208,60% |
| 9 | Amer Krđalić | 108,31% |
| 10 | Amir Sobo | 156,94% |
| 11 | Amra Brkić | 56,97% |
| 12 | Belma Kokić | 131,52% |
| 13 | Dalibor Tikvina | 144,05% |
| 14 | Denis Martini | 581,51% |
| 15 | Dunja Rojević | 155,48% |
| 16 | Dženana Brković | 251,49% |
| 17 | Edna Mujkanović | 127,89% |
| 18 | Emir Bihorac | 109,16% |
| 19 | Fatima Trako Hajdarević | 137,59% |
| 20 | Ivana Baković-Jukić | 119,35% |
| 21 | Ivana Bukvić | 211,49% |
| 22 | Jasmina Omanović | 122,84% |
| 23 | Jelena Bošnjak | 33,03% |
| 24 | Lejla Hadžimahmutović | 0,00% |
| 25 | Maja Drino-Škandro | 122,06% |
| 26 | Maja Šuput | 139,24% |
| 27 | Marina Šapina | 184,99% |
| 28 | Melisa Siliftarević | 108,64% |
| 29 | Mirhunisa Hamzić | 122,40% |
| 30 | Nataša Klikovac | 103,57% |

¹ Prema instrukciji za obračun individualne i kolektivne orijentacione norme u sudovima

| | | |
|----|--------------------|---------|
| 31 | Nura Lukić | 78,36% |
| 32 | Olivera Križanović | 62,78% |
| 33 | Rankica Jerković | 14,50% |
| 4 | Sabrija Agić | 149,24% |
| 35 | Samra Spahić-Drino | 215,68% |
| 36 | Sandra Aldobašić | 104,41% |
| 37 | Sanja Pavlić | 236,54% |
| 38 | Vanja Kovačević | 45,07% |
| 39 | Vedran Bijelić | 657,85% |

III – OSTVARENI KVALITET RADA

Kvalitet sudskih odluka u izvještajnom periodu iznosi: 95,23%.

U periodu od 01.01.2024. godine do 31.12.2024. godine Općinski sud u Zenici donio je ukupno 41.955 sudskih odluka na koje se mogao izjaviti pravni lijek. Ukupan broj ožalbenih odluka u izvještajnom periodu je 879. Broj potvrđenih odluka je 791, broj preinačenih odluka je 31, broj djelimično ukinutih je 3, broj ukinutih odluka iznosio 54.

Kvalitet odluka ovog suda u izvještajnom periodu, prema važećim kriterijima prikazan je u tabeli ispod:

Tabela III - Kvalitet sudskih odluka po vrstama predmeta

| Vrsta predmeta | Broj donesenih odluka na koje se može izjaviti pravni lijek | Ukupan broj ožalbenih odluka | Broj odbačenih pravnih lijekova | Broj potvrđenih odluka | Broj preinačenih odluka | Broj preinačenih odluka donijetih nakon održane glavne rasprave ili pretresa pred drugostepenim sudom | Broj ukinutih odluka | Broj djelimično ukinutih odluka | Kvalitet sudskih odluka | Broj presuda koje su ukinute predmet vraćen na ponovno suđenje |
|----------------|---|------------------------------|---------------------------------|------------------------|-------------------------|---|----------------------|---------------------------------|-------------------------|--|
| | I | II=IV+V+VI+VII+VIII) | III | IV | V | VI | VII | VIII | IX) | X |

Parnični referat

| P | 2053 | 174 | | 151 | 9 | | 12 | 2 | 94,24% | |
|---------------|------|-----|--|-----|---|--|----|---|---------|--|
| Mai | 2726 | 95 | | 85 | 7 | | 3 | | 97,60% | |
| Radni sporovi | 2387 | 97 | | 93 | 3 | | 1 | | 99,22% | |
| Pom | | 0 | | | | | | | | |
| Ostalo | | 1 | | 1 | | | | | 100,00% | |

Privredni referat

| Ps | 646 | 44 | | 39 | 2 | | 3 | | 94,77% | |
|------|------|----|--|----|---|--|---|--|---------|--|
| Mais | 1379 | 18 | | 17 | 1 | | | | 100,00% | |
| L | 228 | 0 | | | | | | | | |
| Ls | | 0 | | | | | | | | |

| | | | | | | | | | |
|--------|-----|---|--|---|--|--|--|---------|--|
| St | 504 | 3 | | 3 | | | | 100,00% | |
| Ostalo | | 3 | | 3 | | | | 100,00% | |

Krivični referat

| | | | | | | | | | | |
|--------|-----|----|--|----|--|--|----|---|---------|--|
| K | 999 | 95 | | 81 | | | 13 | 1 | 89,00% | |
| Kpp | 377 | 0 | | | | | | | | |
| Kps | 841 | 5 | | 2 | | | 3 | | 54,91% | |
| Kzs | | 0 | | | | | | | | |
| Kbs | 323 | 1 | | 1 | | | | | 100,00% | |
| Km | 63 | 2 | | 2 | | | | | 100,00% | |
| Kv | 274 | 41 | | 38 | | | 3 | | 94,24% | |
| Kvl | | 0 | | | | | | | | |
| Kp | | 0 | | | | | | | | |
| Iks | 320 | 23 | | 22 | | | 1 | | 96,66% | |
| Pom | | 0 | | | | | | | | |
| Ostalo | | 0 | | | | | | | | |

Izvršni referat

| | | | | | | | | | | |
|--------|-------|-----|--|----|---|--|---|--|---------|--|
| I | 20497 | 102 | | 93 | 3 | | 6 | | 95,58% | |
| Ip | 1156 | 21 | | 21 | | | | | 100,00% | |
| Ostalo | | 0 | | | | | | | | |

Vanparnični referat

| | | | | | | | | | | |
|--------|------|----|--|----|---|--|---|--|---------|--|
| V | 961 | 18 | | 14 | 2 | | 2 | | 91,61% | |
| O | 1693 | 3 | | 3 | | | | | 100,00% | |
| Ostalo | | 0 | | | | | | | | |

Prekršajno odjeljenje

| | | | | | | | | | | |
|--------|------|-----|--|-----|---|--|---|--|---------|--|
| Pr | 2579 | 112 | | 101 | 4 | | 7 | | 95,24% | |
| Ostalo | 1937 | 19 | | 19 | | | | | 100,00% | |

| | | | | | | | | | | |
|----------------------------------|----|---|--|---|--|--|--|--|---------|--|
| Registracija poslovnih subjekata | 12 | 2 | | 2 | | | | | 100,00% | |
|----------------------------------|----|---|--|---|--|--|--|--|---------|--|

| | | | | | | | | | | |
|---------------|--------------|------------|----------|------------|-----------|----------|-----------|----------|---------------|----------|
| Ukupno | 41955 | 879 | 0 | 791 | 31 | 0 | 54 | 3 | 95,23% | 0 |
|---------------|--------------|------------|----------|------------|-----------|----------|-----------|----------|---------------|----------|

IV-OSTVARENI REZULTATI U IZVJEŠTAJNOM PERIODU U POGLEDU BROJA RIJEŠENIH I NERIJEŠENIH PREDMETA

U Općinskom sudu u Zenici na dan 31.12.2024. godine ostalo je neriješenih 19044 CMS predmeta, sud je zaprimio je 23141 predmet, a rješio 21464 predmeta.

U Općinskom sudu u Zenici na dan 31.12.2024. godine ostalo je neriješenih 69456 SOKOP izvšnih predmeta na osnovu vjerodostojne isprave, zaprimljeno je 6207 predmeta. Prema Tabeli iz SOKOP sistema-Protok predmeta po vrstama i referatima za period od 01.01.2024. godine do 31.12.2024. godine sud je riješio 4926 predmeta koji su normirani, dok je prema Sumarnim izvještajima o orijentacijskim mjerilima iz SOKOP sistema u izvještajnom periodu Općinski sud u Zenici riješio ukupno 4929 predmeta.

BROJ PREDMETA PO REFERATIMA

Općinski sud u Zenici je u izvještajnom periodu zaprimio i riješio predmete po referatima, kako slijedi:

➤ **IZVRŠNO ODJELJENJE**

Zaprimljeno ukupno 3.066 predmeta, a riješeno je 3.978 predmeta, dakle u Izvršnom odjeljenju ostvaren je procenat riješenih u odnosu na zaprimljene predmete od 129,74 %.

➤ **KRIVIČNO ODJELJENJE**

Zaprimljeno ukupno 2.240 predmeta, a riješeno je 2.420 predmeta, dakle u Krivičnom odjeljenju ostvaren je procenat riješenih u odnosu na zaprimljene predmete od 108,03 %.

➤ **PARNIČNO ODJELJENJE**

Zaprimljeno ukupno 2.682 predmeta, a riješeno je 3.245 predmeta, dakle u Parničnom odjeljenju ostvaren je procenat riješenih u odnosu na zaprimljene predmete od 120,99 %.

➤ **PREKRŠAJNO ODJELJENJE**

Zaprimljeno ukupno 6.081 predmeta, a riješeno je 4.413 predmeta, dakle u Prekršajnom odjeljenju ostvaren je procenat riješenih u odnosu na zaprimljene predmete od 72,57 %.

➤ **PRIVREDNO ODJELJENJE**


Zaprimljeno ukupno 1.308 predmeta, a riješeno je 1.332 predmeta, dakle u Privrednom odjeljenju ostvaren je procenat riješenih u odnosu na zaprimljene predmete od 101,83 %.

➤ **VANPARNIČNO ODJELJENJE**

Zaprimljeno ukupno 1.894 predmeta, a riješeno je 2.293 predmeta, dakle u ovom odjeljenju ostvaren je procenat riješenih u odnosu na zaprimljene predmete od 121,06 %.

➤ **SUDSKA UPRAVA**

Zaprimljeno ukupno 5.870 predmeta, a riješeno je 3.783 predmeta, dakle u ovom odjeljenju ostvaren je procenat riješenih u odnosu na zaprimljene predmete od 64,44 %.



ZEMLJIŠNOKNJIŽNI URED

Djelokrug rada osnovne organizacione jedinice ZK-ured je vršenje poslova utvrđenih Zakonom o zemljišnim knjigama i drugim propisima kojima je regulisana oblast upisa nekretnina, kao i članom 30. Pravilnika o unutrašnjoj organizaciji Općinskog suda u Zenici, broj : 043-0-Su-10-000221 od 25.01.2010. godine.

Na početku izvještajnog perioda ukupan broj neriješenih predmeta u zemljišnoknjižnom uredu Općinskog suda u Zenici iznosio je 8.297 predmet. Zaprimljeno je ukupno 35.702 predmeta, tako da je u periodu od 01.01.2024. godine do 31.12.2024. godine ukupan broj predmeta u radu Zemljišnoknjižnog ureda iznosio 43.999 predmet.

Zemljišnoknjižni ured je u izvještajnom periodu riješio ukupno 37.863 predmeta.

Tabela Ia - Protok ZK predmeta

| Vrsta predmeta | Broj neriješenih predmeta na početku izvještajnog perioda | Broj primljenih predmeta | Ukupan broj svih predmeta u radu | Broj riješenih predmeta | Broj neriješenih predmeta na kraju izvještajnog perioda |
|----------------|---|--------------------------|----------------------------------|-------------------------|---|
| | I | II | III=I+II | IV | V=III-IV |

ZK predmeti

| | | | | | |
|---------------------------------------|-------------|--------------|--------------|--------------|-------------|
| Zahtjevi za upis | 8218 | 4881 | 13099 | 7065 | 6034 |
| Zahtjevi za ZK izvadke | | 26299 | 26299 | 26299 | |
| Zahtjevi za uspostavljanje ZK uložaka | 19 | 44 | 63 | 45 | 18 |
| Ostalo (uvjerenja, potvrde i dr.) | 60 | 4478 | 4538 | 4454 | 84 |
| Ukupno | 8297 | 35702 | 43999 | 37863 | 6136 |

U 2024. godini zaprimljeno je 35.702 predmeta.

U okviru ovog odjeljenja i dalje je u toku Projekat harmonizacije odnosno usklađivanja zemljišnoknjižnog stanja sa katastarskim operatom, a sve na osnovu Sporazuma o zajedničkoj implementaciji aktivnosti na sistemskom ažuriranju podataka o nekretninama između evidencija katastra i zemljišne knjige potpisanog od strane Federalne uprave za geodetske poslove i imovinsko-pravne poslove Sarajevo i ovog suda, koji projekat se uspješno realizuje.

REGISTARSKO ODJELJENJE

Na početku izvještajnog perioda ukupan broj neriješenih predmeta u Registarskom odjeljenju Općinskog suda u Zenici iznosio je 67 predmeta. Zaprimljeno je ukupno 5.308 predmeta, tako da je u periodu od 01.01.2024. godine do 31.12.2024. godine ukupan broj predmeta u radu iznosio 5.375, i to :

Reg: 1.474 predmeta

RegZ: 3.894 predmeta

F1: 7

Riješeno je 5.316 predmeta, i to:

Reg: 1.415 predmeta

RegZ: 3.894 predmeta

F1: 7.

Dake, ostalo je neriješeno ukupno 59 predmeta, a Registarsko odjeljenje je ostvarilo procenat rješavanja predmeta u radu od 101,26%.

| Vrsta predmeta | Broj neriješenih predmeta na početku izvještajnog perioda | Broj primljenih predmeta | Ukupan broj svih predmeta u radu | Broj riješenih predmeta | Broj neriješenih predmeta na kraju izvještajnog perioda |
|------------------------------|---|--------------------------|----------------------------------|-------------------------|---|
| | I | II | III=I+II | IV | V=III-IV |
| Predmeti registracije | | | | | |
| Reg | 65 | 1409 | 1474 | 1415 | 59 |
| RegZ | 0 | 3894 | 3894 | 3894 | |
| F1 | 2 | 5 | 7 | 7 | |
| F2 | | | | | |
| F3 | | | | | |
| Ostalo | | | | | |
| Ukupno | 67 | 5308 | 5375 | 5316 | 59 |

V- ZNAČAJNE PROMJENE U POGLEDU BROJA NERIJEŠENIH PREDMETA

Prema prikazanim rezultatima Općinski sud u Zenici je toku izvještajnog perioda 01.01.2024.godine do 31.12.2024.godine u odnosu na rezultate ostvarene u toku 2023.godine, u svome radu imao značajnu promjenu u pogledu rješavanja prekršajnih predmeta jer je su imale manji broj riješenih predmeta od zaprimljenih.

Razlozi koji su doveli do navedenog rezultata rada Prekršajnog odjeljenja su nastupjeli u toku izvještajnog perioda, koji se nisu mogli predvidjeti i koji su u značajnoj mjeri otežale rad nosilaca pravosudne funkcije u dosljednom postupanju u skladu sa Programom rada suda i Plana rješavanja predmeta to :dvije sutkinje od februara 2024.godine do decembra 2024.godine otišle na trudnočko bolovanje, druga sutkinja je u toku početka mjeseca aprila 2024.godine je prestala da obnaša sudijsku funkciju zbog odlaska u penziju, dok je predsjednica Prekršajnog odjeljenja imenovana od strane VSTV BIH, za vršioca dužnosti predsjednika suda nakon što je ranija predsjednica imenovana na drugu sudijsku funkciju sa danom 01.07.2024.godine.

Zbog navedenog u rješavanju prekršajnih predmeta postupalo je dvoje sudija sve do početka oktobra 2024.godine kada je Odlukom o izmjeni i dopuni rasporeda poslova nosilaca sudijske funkcije v.d.predsjudnika suda od 16.10.2024.godine, nakon imenovanja od strane VSTV-a BIH, dvoje sudija raspoređeno na rješavanja prekršajnih predmeta.

Pored navedenog je u toku izvještajnog perioda bio povećan priliv prekršajnih predmeta (primljeno 6.081, riješeno 4413 dok je ostalo neriješenih 7227 predmeta) te su sudije imale i obavezu postupanja za vrijeme pripravnosti (rad u danima vikenda te rad u toku radne sedmice poslije isteka radnog vremena- dežurstvo).

Razlozi objektivne prirode za smanjen broj rješavanja predmeta na osnovu vjerodostojne isprave - SOKOP predmeta su nastupjeli odmah u početku januara 2024. godine kada je prestalo da postoji SOKOP-odjeljenje, zbog nedostatka sudija koje bi radile u istom odjeljenju, naročito što je predsjednica Odjeljenja otišla na trudničko bolovanje, te su sudijama istog odjeljenja morali biti presignirani odmah predmeti koji su po zakonu hitni i to vanparnični predmeti-zahtjevi za mjere osiguranja, radni sporovi i sporovi zbog diskriminacije i slično.

Ističemo da je u toku čitavog izvještajnog perioda postojeće sudije kojih u jednom momentu toku jula mjeseca 2024. godine bilo ukupno na radu 15 i 7 stručnih saradnika koji su rješavali predmete različitih pravnih oblasti iz nadležnosti rada suda što je uticalo na smanjenje broja rješavanja SOKOP predmeta.

VI-OSTVARENI REZULTATI U RADU NA PREDMETIMA IZ PLANA RJEŠAVANJA PREDMETA U 2024. GODINI

Prema planu rješavanja predmeta za 2024. godinu Općinski sud u Zenici je planirao riješiti ukupno 4.526 predmeta.

Na dan 31.12.2024. godine riješeno je ukupno 4.283 predmeta, dakle Općinski sud u Zenici je ostvario procenat rješavanja predmeta od 94,76 %.

Planom rješavanja predmeta obuhvaćeni su predmeti po sudskih referatima, kako slijedi :

| REFERAT | Predmeti inicirani 2023. godine | Predmeti inicirani 2022.-2021. godine | Predmeti inicirani 2020.-2019. godine | Predmeti inicirani 2018.-2015. godine | Predmeti inicirani 2014.-2010. godine | Predmeti inicirani 2009. godine i ranije | Ukupno predmeta u planu |
|---------------|---------------------------------|---------------------------------------|---------------------------------------|---------------------------------------|---------------------------------------|--|-------------------------|
| IZVRŠNO | 383 | 644 | 139 | 43 | 71 | 16 | 1.378 |
| KRIVIČNO | 378 | 185 | 34 | 18 | 10 | 0 | 503 |
| PARNIČNO | 338 | 124 | 16 | 3 | 0 | 1 | 2.127 |
| PREKRŠAJNO | 1.163 | 87 | 1 | 0 | 0 | 0 | 1.580 |
| PRIVREDNO | 398 | 33 | 4 | 1 | 1 | 0 | 893 |
| VANPARNIČNO | 383 | 17 | 10 | 5 | 13 | 7 | 371 |
| UKUPNO | 3.043 | 1.090 | 204 | 70 | 95 | 24 | 4.526 |

U sljedećoj tabeli je prikaz riješenih, neriješenih predmeta iz plana i procent realizacije plana prikazan po starosnim kategorijama i referatima:

| | Predmeti inicirani 2023. godine | Predmeti inicirani 2022.-2021. godine | Predmeti inicirani 2020.-2019. godine | Predmeti inicirani 2018.-2015. godine | Predmeti inicirani 2014.-2010. godine | Predmeti inicirani 2009. godine i ranije | Ukupan broj predmeta |
|------------------------------|---------------------------------|---------------------------------------|---------------------------------------|---------------------------------------|---------------------------------------|--|----------------------|
| Broj predmeta u planu | 3.043 | 1.090 | 204 | 70 | 95 | 24 | 4.526 |
| Neriješeni predmeti iz plana | 1 | 7 | 11 | 34 | 122 | 68 | 243 |
| Riješeni predmeti iz plana | 2.975 | 968 | 170 | 59 | 88 | 23 | 4.283 |
| % realizacije | 97,76 | 88,80 | 83,33 | 84,28 | 92,63 | 95,83 | 94,63 |

VII- OBRAZLOŽENJE RAZLOGA NEDOVOLJNOG BROJA PREDMETA U RADU SUDA ILI POJEDINIH SUDIJA

U izvještajnom periodu nije bilo nedovoljnog broja predmeta.

VIII- TRAJANJE POSTUPKA (PROSJEČNO TRAJANJE POSTUPKA NA SVIM REFERATIMA, REFERATIMA NA KOJIMA SE BILJEŽI PREDUGO TRAJANJE POSTUPKA, OKOLNOSTI KOJE DOVODE DO PRODUŽENJA TRAJANJA POSTUPKA)

Općinski sud u Zenici je donio Odluku o predvidivim rokovima za rješavanje pojedinih vrsta predmeta iz nadležnosti Općinskog suda u Zenici za 2022. godinu.

U periodu 01.01.2024.-31.12.2024. godine riješeno je 10.260 CMS predmeta za koje se vodi statistika predvidivih rokova (kolona 4). Od toga u predvidivom roku riješeno 8.083 predmeta odnosno 78,78% (kolona 2), a sa prekoračenjem predvidivog roka 2.177 predmeta, odnosno 21,22% (kolona 3). Predmeti riješeni u optimalnom roku ne ulaze u ukupan broj riješenih predmeta obzirom da predstavljaju dio predmeta riješenih u predvidivom roku pa su, shodno tome, obuhvaćeni u koloni 2. U optimalnom roku riješeno je 2.647 predmeta (kolona 1) što iznosi 32,75% predmeta riješenih u predvidivom roku.

Kolona 5 predstavlja udio svake od oblasti u ukupnom broju riješenih predmeta, a računa se kao procenat razlike ukupnog broja riješenih predmeta iz oblasti (kolona 4) i ukupnog broja riješenih predmeta po svim oblastima (npr. udio parničnog postupka iznosi $(3.176/10.260) \cdot 100 = 30,96\%$).

| OBLASTI | 1 | | 2 | | 3 | | 4=2+3 | | 5 | |
|----------------------------|--|---------------|--|---------------|--|---------------|-----------------|--|---|--------|
| | Riješeno u optimalnom roku | | Riješeno u predvidivom roku | | Riješeno sa prekoračenjem predvidivog roka | | UKUPNO PREDMETA | | Udio oblasti u ukupnom broju riješenih predmeta | |
| | Predmeti sadržani u prikazu riješenih u predvidivom roku pa ne ulaze u sumu prikazanu u koloni UKUPNO PREDMETA | | Postotak se računa u odnosu na predmete riješene u predvidivom roku (kolona 2) | | | | | | | |
| | Predmeta | (%) | Predmeta | (%) | Predmeta | (%) | | | | (%) |
| Parnični postupak | 779 | 27,73% | 2.809 | 88,44% | 367 | 11,56% | 3.176 | | | 30,96% |
| Predmeti izvršnog postupka | 1.111 | 46,18% | 2.406 | 89,28% | 289 | 10,72% | 2.695 | | | 26,27% |
| Privredni sporovi | 262 | 28,32% | 925 | 80,79% | 220 | 19,21% | 1.145 | | | 11,16% |
| Stечаjni postupak | 52 | 91,23% | 57 | 91,94% | 5 | 8,06% | 62 | | | 0,60% |
| Likvidacioni postupak | 24 | 26,97% | 89 | 98,89% | 1 | 1,11% | 90 | | | 0,88% |
| Vanparnični postupak | 22 | 21,78% | 101 | 18,40% | 448 | 81,60% | 549 | | | 5,35% |
| Krivični postupak | 333 | 42,15% | 790 | 90,70% | 81 | 9,30% | 871 | | | 8,49% |
| Prekršajni postupak | 64 | 7,06% | 906 | 54,19% | 766 | 45,81% | 1.672 | | | 16,30% |
| Vanredni pravni lijek | 0 | 0% | 0 | 0,00% | 0 | 0,00% | 0 | | | 0,00% |
| UKUPNO PREDMETA | 2.647 | 32,75% | 8.083 | 78,78% | 2.177 | 21,21% | 10.260 | | | |

Na dan 31.12.2023. godine ostalo je neriješeno 9.797 CMS predmeta za koje se vodi statistika predvidivih rokova (kolona 4).

Od toga u 8.022 predmeta nije prekoračen predvidivi rok, što predstavlja 81,88% (kolona 3).
U 1.775 predmeta prekoračen je predvidivi rok što predstavlja 18,12% ukupnog broja neriješenih predmeta (kolona 2).

Zbir kolona 2 i 3 predstavlja ukupan broj neriješenih predmeta.

U 6.886 predmeta prekoračen je optimalni rok što predstavlja 70,29% ukupnog broja neriješenih predmeta (kolona 1). Ovi predmeti su obuhvaćeni kolonama 2 i 3 pa ne učestvuju u ukupnom zbiru.

Kolona 5 predstavlja udio svake od oblasti u ukupnom broju neriješenih predmeta, a računa se kao procenat razlike ukupnog broja neriješenih predmeta iz oblasti (kolona 4) i ukupnog broja neriješenih predmeta po svim oblastima (npr. udio parničnog postupka iznosi $(2.782/9.797) \cdot 100 = 28,40\%$).

| OBLASTI | 1 | | 2 | | 3 | | 4=2+3 | 5 |
|----------------------------|--|---------------|---|---------------|--|---------------|-----------------|---|
| | Ostalo neriješeno (prekoračen optimalni rok) | | Ostalo neriješeno (prekoračen predvidivi rok) | | Ostalo neriješeno (nije prekoračen predvidivi rok) | | UKUPNO PREDMETA | Udio oblasti u ukupnom broju riješenih predmeta |
| | Predmeti sadržani u predmetima prikazanim u kolonama 2 i 3 pa ne ulaze u sumu prikazanu u koloni UKUPNO PREDMETA | | | | | | | |
| | Postotak se računa u odnosu na ukupan broj predmeta po oblasti (kolona 4) | | | | | | | |
| | Predmeta | (%) | Predmeta | (%) | Predmeta | (%) | | (%) |
| Parnični postupak | 1.169 | 59,99% | 409 | 14,70% | 2.373 | 85,30% | 2.782 | 28,40% |
| Predmeti izvršnog postupka | 1.062 | 67,17% | 347 | 21,95% | 1.234 | 78,05% | 1.581 | 16,14% |
| Privredni sporovi | 603 | 53,03% | 84 | 7,39% | 1.053 | 92,61% | 1.137 | 11,61% |
| Stечаjni postupak | 29 | 31,87% | 12 | 13,19% | 79 | 86,81% | 91 | 0,93% |
| Likvidacioni postupak | 28 | 47,46% | 1 | 1,69% | 58 | 98,31% | 59 | 0,60% |
| Vanparnični postupak | 134 | 84,81% | 86 | 54,43% | 72 | 45,57% | 158 | 1,61% |
| Krivični postupak | 235 | 60,88% | 70 | 18,13% | 316 | 81,87% | 386 | 3,94% |
| Prekršajni postupak | 3.125 | 86,76% | 765 | 21,24% | 2.837 | 78,76% | 3.602 | 36,77% |
| Vanredni pravni lijek | 1 | 100,00% | 1 | 100,00% | 0 | 0,00% | 1 | 0,01% |
| UKUPNO PREDMETA | 6.886 | 70,29% | 1.775 | 18,12% | 8.022 | 85,86% | 9.797 | |

Uzroci koji su doveli do prekoračenja optimalnih i predvidivih rokova:

Najvažniji uzroci koji dovode do prekoračenja optimalnih i predvidivih rokova u izvršnom referatu su objektivne prirode:

1. veliki broj izvršnih predmeta,
2. promjena sredstva i predmeta izvršenja od strane tražioca izvršenja u velikom broju predmeta
3. odlaganja izvršenja od strane tražioca izvršenja na duži period
4. blokirani transakcijski računi na koje je upravljeno izvršenje, čekanje reda namirenja na bankama

Najvažniji uzroci koji dovode do prekoračenja optimalnih i predvidivih rokova u parničnom, privrednom i vanparničnom referatu su:

1. nedostupnost stranaka
2. čekanje nalaza vještaka

3. vremenski uslovi od kojih zavisi izlazak na lice mjesta radi održavanja ročišta (obično u ljetnom periodu je samo moguće)

Najvažniji uzroci koji dovode do prekoračenja optimalnih i predvidivih rokova u krivičnom referatu su objektivne prirode:

1. nedostupnost optuženih-raspisane potjernice za koje se čeka realizacija
2. nedostupnost svjedoka koji se nalaze u inostranstvu, te je neizvjestan dolazak istih u BiH

Pored navedenog, naglašavamo da je do prekoračenja rokova došlo prevashodno zbog nedovoljnog broja sudija i ostalih uposlenika suda. Zbog navedenih okolnosti sudije parničnog i izvršnog odjeljenja su prezadužene što direktno utiče na prekoračenje rokova.

Prikazani podaci ukazuju da je Općinski sud u Zenici ostvario dobre rezultate rada, i pored svih izazova s kojim se sud susreo koji se ogledao u nedovoljnom broju sudija zbog imenovanja u druge sudove ili zbog prestanka obnašanja sudijske funkcije, te uslijed rekonstrukcije postojeće zgrade suda i izgradnje anketa suda, izmještanja preko 500.000 arhiviranih predmeta iz zgrade suda, premještaja pisarnica sa svim predmetima, međutim, sud je i pored navedenog radio bez ijednog dana zastoja.

IX-PREDMETI RATNIH ZLOČINA

Općinski sud u Zenici nije nadležan za rješavanje predmeta ratnih zločina.

X-OSTVARENI REZULTATI U RADU NA PREDMETIMA KORUPCIJE I ORGANIZOVANOG KRIMINALA (broj riješenih predmeta, priliv i broj neriješenih predmeta korupcije i organizovanog kriminala)

Na osnovu izvještaja iz CMS-a za period od 01.01.-31.12.2024. godine, utvrđeno je da je pred Općinskim sudom u Zenici zaprimljeno ukupno 8 predmeta iz oblasti koruptivnih krivičnih dijela (1 predmet čl. 381 st. 1. KZ F BiH-Davanje dara i drugih oblika koristi, 3 predmeta čl. 389 st. 1. KZ F BiH-Zloupotreba položaja ili ovlašćenja, 1 predmet čl. 384 st. 1 KZ F BiH-Pronevjera u službi, 2 predmeta čl. 389 st. 1. KZ F BiH-Krivotvorenje službene isprave i 1 predmet čl. 389. st. 2. KZ F BiH-Krivotvorenje službene isprave).

U izvještajnom periodu okončano je ukupno 4 predmeta (jedna presuda na osnovu priznanja krivnje, jedna presuda kojom se optuženi osuđuje na jedinstvenu kaznu zatvora, jedna presuda kojom je optužba odbijena i jedna presuda kojom se optuženi oslobađa od optužbe).

Ukupno je ostalo otvorenih 4 predmeta (čl. 381 st. 1., 383 st. 1., 384 st. 1. i 389 st. 2. KZ F BiH).

XI-ZASTARE PREDMETA (ukupan broj predmeta u kojim je nastupila zastara u toku izvještajnog perioda, ključni razlozi za nastupanje zastarjelosti)

Za period od 01.01.-31.12.2024. godine u Općinskom sudu u Zenici nastupila je zastara u 13 predmeta (9 krivičnih i 4 prekršajna).

Apsolutna zastara krivičnog gonjenja zbog nedostupnosti optuženog ili drugi procesni razlozi nastupila je u sljedećim predmetima:

1. 43 0 K 156135 18 Kps,
2. 43 0 K 170196 19 Kps,
3. 43 0 K 178746 20 K,

4. 43 0 K 187761 20 Kps,
5. 43 0 K 122600 15 K,
6. 43 0 K 186055 20 Kps,

U predmetima, broj: 43 0 K 115985 14 lks, 43 0 K 042624 12 lks i 43 0 K 037438 15 lks nastupila je **apsolutna zastara izvršenja krivičnih sankcija**.

U navedenim predmetima nastupila je apsolutna zastara krivičnog gonjenja zbog nedostupnosti optuženih. U svim predmetima sud je mjerama koje su sudu zakonom dopuštene pokušao obezbijediti prisustvo optuženih, dakle, razlozi za nastupanje zastare nisu subjektivne prirode.

Apsolutna zastara izvršenja prekršajnih sankcija nastupila je u predmetu: 43 0 Pr 153392 18 lps.

Apsolutna zastara izvršenja prekršajnih sankcija (predmet zaprimljen nakon nastupanja zastare izvršenja prekršajne sankcije) nastupila je u sljedećim predmetima:

1. 43 0 Pr 202337 22 lpsz 2,
2. 43 0 Pr 227365 23 lpsz,
3. 43 0 Pr 231773 23 lpsz

XII-ZAKLJUČNA ZAPAŽANJA O RADU SUDA

Na osnovu navedenih podataka o radu suda evidentno je da je Općinski sud u Zenici u periodu od 01.01.2024. godine do 31.12.2024. godine ostvario izuzetno dobre rezultate kako u pogledu kvaliteta rada tako i u pogledu kvantiteta rada, kontinuiranim i dosljednim radom po Planu rješavanja predmeta za 2024. godinu.

Postignuti su, pretežno, rezultati rada suda zahvaljujući poduzetim planiranim aktivnostima u cilju postizanja strateških ciljevi suda, prevashodno izuzetno efikasnim i kvalitetnim radom svih uposlenika suda, ali i aktivnim učešćem i provođenjem projektnih aktivnosti u kojima sud učestvuje. Pri tome u izvještajnom periodu sudska uprava je osigurala uslove za pravilan rad, uz praćenje ažurnosti rada suda na svim referatima. Uspješno je realizovan program stručnog usavršavanja sudija, državnih službenika i ostalih zaposlenika .

Zapaženo je održavanje ažurnosti kada je u pitanju rješavanje starih predmeta.

U izvještajnom periodu Visoko sudsko i tužilačko vijeće BiH, Delegacija EU, kao i Ministarstvo za pravosuđe i upravu Zeničko-dobojskog kantona i Vlada Zeničko-dobojskog kantona su pružili Općinskom sudu u Zenici punu podršku u cilju ostvarivanja nezavisnog i nepristrasnog pravosuđa, posebno poduzimanjem svih neophodnih aktivnosti na proširenju Općinskog suda u Zenici za cca 2400 m² izgradnjom aneksa zgrade kao i rekonstrukciji prizemlja i dijela suterena postojeće zgrade. Realizacija projekta je, u pretežnom dijelu, okončana, uz materijalnu podršku Delegacije EU i Ministarstva za pravosuđe i upravu Zeničko-dobojskog kantona koje je u izvještajnom periodu pružilo materijalnu podršku za nesmetan rad ovog suda.

Općinski sud u Zenici je u izvještajnom periodu učestvovao u USAID Projektu "Pravosuđe protiv korupcije", u projektu Unapređenja pravosuđa u vezi mentorstva, a sve u cilju unapređenja efikasnog i pravičnog postupanja u građanskom postupku. Pored aktivnosti provedenih u implementaciji navedenog projekta i saradnje sa neposredno višim, Kantonalnim sudom u Zenici, u toku 2024. godine ostvarena je izuzetno dobra saradnja u skladu sa Memorandumom o saradnji Kantonalnog suda u Zenici i Općinskog suda u

Zenici, s krajnjim ciljem a to je pravna sigurnost, uz maksimalno očuvanje nezavisnosti u radu oba suda i sudija.

XIII- INFORMACIJA O PRIMJENI SMJERNICA ZA PREVENCIJU SEKSUALNOG I RODNO ZASNOVANOG UZNEMIRAVANJA U PRAVOSUDNIM INSTITUCIJAMA U BIH

U izvještajnom periodu nije bilo slučajeva uznemiravanja seksualnog ni rodno zasnovanog uznemiravanja, s tim da je Općinski sud u Zenici opredjeljenja da dosljedno postupa u skladu sa Smjernicama za prevenciju seksualnog i rodno zasnovanog uznemiravanja u pravosudnim institucijama u BiH uz imenovanje i obuku imenovane savjetnica za prevenciju seksualnog i rodno zasnovanog uznemiravanja u ovom sudu.

XIV-INFORMACIJA O ODRŽANIM SASTANCIMA SA NOTARIMA

Sastanci u izvještajnom periodu nisu održavani, prevashodno zbog nesmetane i efikasne pisane korespondencije, ali i efikasnog i kvalitetnog rada notara kao povjerenika suda.

XV-PLANIRANE MJERE ZA POBOLJŠANJE RADA U SUDU

S obzirom na izuzetno dobar rad ovog suda u izvještajnom periodu, nastojaćemo da zadržimo isti ili pak i bolji rezultat realizacije strateških ciljeva, tako da se prvenstveno planira poduzimanje aktivnosti u cilju imenovanja nosilaca pravosudne funkcije prema Pravilniku o unutrašnjoj organizaciji Općinskog suda u Zenici broj: 043-0-Su-10-000 221 od 25.01.2010. godine kao i popunjavanja upražnjenih mjesta potrebnih a nedostajućih državnih službenika i namještenika.

Planira se preduzimanje aktivnosti u skladu sa planiranim novčanim sredstvima u budžetu suda, da se u toku 2025. godine provedu postupci javni nabavki radi realizacije sljedećih aktivnosti: rekonstrukcija fasade zgrade suda izgrađene 1964. godine, te na istoj zgradi hitna sanacija ravnog krova, građevinski radovi izgradnje IV sprata Aneksa zgrade.

Planira se nastavak, za sada, efikasnog i kvalitetnog poduzimanja aktivnosti u vezi projekta "Unapređenje efikasnosti sudova i odgovornosti sudija i tužilaca u BiH- faza III "-u saradnji sa Sudskom administracijom Švedske, u okviru projekta "Unapređenje efikasnosti sudova i odgovornosti sudija i tužilaca u BiH-faza III". Također, planira se nastavak kontinuirane implementacije svih projektnih aktivnosti u okviru ICEA III Projekta Komponenta 4-Unapređenje radnih procesa za efikasniji izvršni postupak u pilot sudovima.

Nastavlja se aktivno učešće ovog suda kao jednog od partnerskih sudova u projektu USAID "Pravosuđe protiv korupcije", kao i u Projektu „Jačanje kapaciteta pravosuđa-Komponenta Unapređenja rada krivičnih odjeljenja sudova i upravljanje krivičnim predmetima.,,


Planira se postizanje strateških ciljeva utvrđenih Programom rada suda za 2025. godinu koji se odnose na sljedeće:

I- "Unapređenje efikasnosti rada suda"

II- "Unapređenje kvalitete rada Općinskog suda u Zenici"

III- "Unapređenje transparentnosti i otvorenosti rada suda"

Sve planirane aktivnosti u cilju realizacije strateških ciljeva i misije² suda detaljno su navedene u Programu rada Općinskog suda u Zenici za 2025.-2027. godinu.



PREDSJEDNIKA SUDA

Alma Spahić

Dostavljeno:

1. Visokom sudskom i tužilačkom vijeću BiH
2. Kantonalnom sudu u Zenici
3. Ministarstvu za pravosuđe i upravu Zeničko-dobojskog kantona
4. Instituciji ombudsmena za ljudska prava BiH

2

MISIJA SUDA

Općinski sud u Zenici kao neovisna, profesionalna i efektivna pravosudna institucija kroz postupanja u okviru svoje nadležnosti osigurava pravnu zaštitu povrijeđenih prava građana, omogućava ostvarenja i ostalih prava građana iz djelokruga rada suda, uvažavajući najviše standarde primjene i zaštite ljudskih prava, a posebno prava na pristup sudu i jednakost svih građana pred zakonom.

VIZIJA SUDA

Općinski sud u Zenici, kao neovisna pravosudna institucija, svojim blagovremenim i efikasnim postupanjem svih organizacionih jedinica suda i sudskih odjeljenja u punom kapacitetu, zakonitim, kvalitetnim i transparentnim radom doprinosi ostvarenju pravne sigurnosti, prava na pristup sudu i suđenju u razumnom roku kao i učvršćivanju vladavine prava u Bosni i Hercegovinu.